



圓悟老人碧巖集

卷三之四

三十
三

服部文庫
117
387
2



117
387
2

佛果園悟禪師碧岩集卷第三

秣陵遠庵吳自弘校

天界比丘性湛 閱



垂示云建法幢立宗旨錦上鋪花脫籠頭卸角
馱太平時節或若辨得格外句舉一明三其或
未然依舊伏聽處分

舉僧問智門蓮花未出水時如何鉤在不疑
之地泥裏洗土塊那裏得這消息來智門云

蓮花一二三四五六七疑殺天下人僧云出

水後如何

莫向鬼窟裏作活計又恁麼去也

門云荷葉

幽州猶自可最苦是江南兩頭三

面笑殺天下人

智門若是應機接物猶較些子若是截斷衆流
千里萬里且道這蓮花出水與未出水是一是
二若恁麼見得許你有箇入處雖然如是若道
是一顛頂佛性儻侗真如若道是一心境未忘
落在解路上走有什麼歇期且道古人意作麼
生其實無許多事所以投子道你但莫着客言

數句若了諸事自然不着即無許多位次不同
你一切法一切法攝不得本無得失夢幻如許
多名目不可強與佗安立名字誑說你諸人得
麼你諸人問故所以有言你若不問教我向你
道什麼即得一切事皆是你將得來都不干我
事古人道欲識佛性義當觀時節因緣不見雲
門舉僧問靈雲云佛未出世時如何雲豎起拂
子僧云出世後如何雲亦豎起拂子雲門云前
頭打着後頭打不着又云不說出與不出何處

有伊問時節也。古人一問一答。應時應節。無許多事。你若尋言逐句了。無交涉。你若能言中透得言意中透得意。機中透得機。放令閑閑地方。見智門答話處。問佛未出世時如何。牛頭未見四祖時如何。斑石內混沌未分時如何。父母未生時如何。雲門道。從古至今。只是一段事。無是無非。無得無失。無生與未生。古人到這裏。放一綫道。有出有入。若是未了底人。扶籬摸壁。依草附木。或教他放下。又打入莽莽蕩蕩荒然處去。

若是得底人。二六時中不依倚一物。雖不依倚一物。若露一機。一境。作麼生摸索他。這僧問道。蓮花未出水時如何。智門云。蓮花便只攔問。一答不妨奇特。諸方皆謂之顛倒語。那裏如此。不見岳頭道。常貴未開口已前。猶較些子。古人露機處。已是漏逗了也。如今學者不省古人意。只管去理論。出水與未出水。有什麼交涉。不見僧問智門如何。是般若體。門云。蚌含明月。僧云。如何。是般若用。門云。兔子懷胎。看他如此對答。天

下人討他語脉不得，或有人問夾山道蓮花未出水時如何，只對他道：露柱燈籠，且道與蓮花是同是別。出水後如何，對他道：杖頭挑日月，脚下太泥深。你且道是不是。且莫錯認定盤星。雪竇恁慈悲，打破人情解，所以頌出。

蓮花荷葉報君知。老婆心切，見成公案文彩。

已彰。出水何如未出時。泥裏洗土塊，分開也。

好不可儺侗去也。江北江南問王老。王人公

在什麼處問王老師作什麼，你自踏破草鞋。

一狐疑了一狐疑。一坑埋却自是你疑不免。

疑情未息，打云會麼。

智門本是浙人，得得入川參香林。既徹却回住隋州，智門雪竇是他的子。見得好窮玄，極妙直道蓮花荷葉報君知。出水何如未出時，這裏要人直下便會。山僧道未出水時如何，露柱燈籠出水後如何，杖頭挑日月，脚下太泥深。你且莫錯認定盤星。如今人咬人言句者，有甚麼限你。且道出水時是什麼時節，未出水時是什麼時。

節若向這裏見得許你親見智門雪竇道你若
 不見江北江南問王老雪竇意道你只管去江
 北江南問尊宿出水與未出水江南添得兩句
 江北添得兩句一重添一重展轉生疑且道何
 時得不疑去如野狐多疑冰凌上行以聽水聲
 若不鳴方可過河參學人若一狐疑了一狐疑
 幾時得平穩去

廿一

垂示云大方無外細若隣虛擒縱非他卷舒在
 我必欲解粘去縛直須削迹吞聲人人坐斷要

津箇箇壁立千仞且道是什麼人境界試舉看

舉雪峰示眾云南山有一條鼈鼻蛇見怪不

怪其怪自壞大小大怪事不妨令人疑着汝

等諸人切須好看一場漏逗長慶云今日

堂中大有入喪身失命普州人送賊以已於

入僧舉似玄沙同坑無異土奴見姆殷勤同

病相憐玄沙云須是稜兄始得雖然如此我

卽不恁麼不免作野狐精見解是什麼消息

毒氣傷人僧云和尚作麼生也好揆着這老

漢玄沙云用南山作什麼釣魚船上謝三郎

只這野狐精猶較些子喪身失命也不知雲

門以拄杖攬向雪峰面前作怕勢怕他作什

麼一子親得一等是弄精魂諸人試辨看

你若平展一任平展你若打破一任打破雪峰

與巖頭欽山同行凡三到投子九上洞山後叅

德山方打破漆桶一日率巖頭訪欽山至鼇山

店上阻雪巖頭每日只是打睡雪峰一向坐禪

巖頭喝云嚏眠去每日牀上恰似七村裏土地

相似佗時後日魔魅人家男女去在峰自點臂

云某甲這裏未穩在不敢自瞞頭云我將謂你

已後向孤峰頂上盤結草庵播揚大教猶作這

箇語話峰云某甲實未穩在頭云你若實如此

據你見處一一道來是處我與你證明不是處

與你剗却峰遂舉見鹽官上堂舉色空義得箇

入處頭云此去三十年切忌舉着峰又舉見洞

山過水頌得箇入處頭云若與麼自救不了後

到德山問從上宗乘中事學人還有分也無山

打一棒道什麼我當時如桶底脫相似頭遂喝
云你不聞道從門入者不是家珍峰云他後如
何卽是頭云他日若欲播揚大教一一從自己
曾襟流出將來與我蓋天蓋地去峰於言下大
悟便禮拜起來連聲叫云今日始是鼇山成道
今日始是鼇山成道後回閩中住象骨山自貽
作頌云人生倏忽暫須與浮世那能得久居出
嶺纔登三十二入閩早是四旬餘他非不用頻
頻舉已過應須旋旋除奉報滿朝朱紫貴閩王

不怕佩金魚凡上堂示衆云一一蓋天蓋地更
不說玄說妙亦不說心說性突然獨露如火
聚近之則燎却面門似太阿劍擬之則喪身失
命若也佇思停機則沒干涉只如百丈問黃檗
甚處去來檗云大雄山下採菌去來丈云還見
大蟲麼檗便作虎聲丈便拈斧作斫勢檗遂打
百丈一擗丈吟吟而笑便歸陞座謂衆云大雄
山有一大蟲汝等諸人切須好看老僧今日親
遭一口趙州凡見僧便問曾到此間麼云曾到

或云不曾到州總云喫茶去院主云和尚尋常
問僧曾到與不曾到總道喫茶去意旨如何州
云院主主應諾州云喫茶去紫胡門下立一牌
牌上書云紫胡有一狗上取人頭中取人腰下
取人脚擬議則喪身失命或新到纔相看師便
喝云看狗僧纔回首師便歸方丈正如雪峯道
南山有一條鼈鼻蛇汝等諸人切須好看正當
恁麼時你作麼生祇對不躡前蹤試請道看到
這裏也須是會格外句始得一切公案語言舉

在

得將來便知落處看他恁麼示衆且不與你說
行說解還將情識測度得麼是他家兒孫自然
道得恰好所以古人道承言須會宗勿自立規
矩言須有格外句須要透關若是語不離窠窟
墮在毒海中也雪峰恁麼示衆可謂無味之談
塞斷人具長慶玄沙皆是他家屋裏人方會他
恁麼說話只如雪峰道南山有一條鼈鼻蛇諸
人還知落處麼到這裏須是具通方眼始得不
見真淨有頌云打鼓弄琵琶相逢兩會家雲門

兩一本作一會

能唱和長慶解隨邪古曲無音韻南山鼈鼻蛇
何人知此意端的是玄沙只如長慶恁麼祇對
且道意作麼生到這裏如擊石火似閃電光方
可構得若有纖毫去不盡便構他底不得可惜
許人多向長慶言下生情解道堂中纔有聞處
便是喪身失命有者道元無一星事平白地上
說這般話疑人人聞他道南山有一條鼈鼻蛇
你便疑著若恁麼會且得沒交涉只去他言語
上作活計既不恁麼會又作麼生會後來有僧

與似玄沙玄沙云須是稜兄始得雖然如是我
卽不恁麼僧云和尚又作麼生沙云用南山作
什麼但看玄沙語中便有出身處便云用南山
作什麼若不是玄沙也大難酬對只如他恁麼
道南山有一條鼈鼻蛇且道在什麼處到這裏
須是向上人方會恁麼說話古人道釣魚船上
謝三郎不愛南山鼈鼻蛇却到雲門以拄杖攬
向雪峰面前作怕勢雲門有弄蛇手脚不犯鋒
鋌明頭也打着暗頭也打着他尋常爲人如舞

南山下有愛字可也
又刺蛇字好

太阿劍相似有時飛向人
看毛眼睫上有時飛
向三千里外取人頭
雲門攬拄杖作怕勢且
不是弄精魂他莫也是
喪身失命麼作家宗師
終不去一言一句上作
活計雪竇只為愛雲門
契證得雪峰意所以頌出

象骨巖高人不到千箇萬箇摸索不着非公

境界到者須是弄蛇手是精識精是賊識賊

成羣作隊作什麼也須是同火始得稜師備

師不奈何一狀領過放過一着喪身失命在

多少罪不重科帶累平人韶陽知猶較此一

這老漢只具一隻眼老漢不免作伎倆重撥

草落草漢有什麼用處果然在什麼處便打

南北東西無處討有麼有麼闍黎眼瞎忽然

突出拄杖頭看高着眼便打拋對雪峰大張

口自作自受吞却千箇萬箇濟什麼事天下

人摸索不着大張口今同閃電兩重公案果

然賴有末後句剔起眉毛還不見蹉過了也

五湖四海覓恁麼人也難得如今在什麼處

看字在眼下可也

如今藏在乳峰前向什麼處去也大小雪竇

也作這去就山僧今日也遭一只來者一一

看方便暗莫向脚跟下看看取上座脚跟下

着一箭了也師高聲喝云看脚下賊過後張

弓第一頭第二頭重言不當吃

正四景之內才十八象骨岩高人不到到者須是弄蛇手雪峰山下

有象骨巖雪峰機鋒高峻罕有人到他處雪竇

是他屋裏人毛羽相似同聲相應同氣相求也

須是通方作者共相證明只這鼈鼻蛇也不妨

師字作雪竇可也

音字去聲十可也

難弄須是解弄始得若不解弄反被蛇傷五祖

先師道此鼈鼻蛇須是有不傷犯手脚底機於

他七寸上一捏捏住便與老僧把手共行長慶

玄沙有這般手脚雪竇道稜師備師不奈何人

多道長慶玄沙不奈何所以雪竇獨美雲門且

得沒交涉殊不知三人中機無得失只是有親

疎且問諸人什麼處是稜師備師不奈何處喪

身失命有多少此頌長慶道今日堂中大有入

喪身失命到這裏須是有弄蛇手子細始得雪

竇出他雲門所以一時撥却獨存雲門一箇道
韶陽知重撥草蓋爲雲門知他雪峰道南山有
一條鼈鼻蛇落處所以重撥草雪竇頌到這裏
更有妙處云南北東西無處討你道在什麼處
忽然突出拄杖頭元來只在這裏你不可便向
拄杖頭上作活計去也雲門以拄杖攬向雪峰
面前作怕勢雲門便以拄杖作鼈鼻蛇用有時
却云拄杖子化爲龍吞却乾坤了也山河大地
甚處得來只是一條拄杖子有時作龍有時作

蛇爲什麼如此到這裏方知古人道心隨萬境
轉轉處實能幽頌道拋對雪峰大張口大張口
分同閃電雪竇有餘才拈出雲門毒蛇云只這
大張口分同於閃電相似你若擬議則喪身失
命剔起眉毛還不見向什麼處去也雪竇頌了
須去活處爲人將雪峰蛇自拈自弄不妨殺活
臨時要見麼云如今藏在乳峰前乳峰乃雪竇
山名也雪竇有頌云石牕四顧滄溟窄寥寥不
許白雲白長慶玄沙雲門雖弄得了不見却云

一本作拈拄杖便打迦摩
可也

廿三

如今藏在乳峰前來者，一一看方便。雪竇猶涉
廉纖在，不言便用却。高聲喝云：看脚下從上來，
有多少人拈弄。且道：還曾傷着人，不曾傷着人。
師便打。

垂示云：玉將火試金，將石試劍，將毛試水，將杖
試至於衲僧門下。一言一句，一機一境，一出一
入，一挨一撥，要見深淺，要見向背。且道：將什麼
試請舉看。

舉保福長慶遊山次。這兩箇落草漢，福以手

指云：只這裏便是妙峰頂。平地上起骨堆，切

忌道着掘地深埋。慶云：是則是，可惜許。若不

是鐵眼銅睛，幾被惑了。同病相憐，兩箇一坑

埋却。雪竇着語云：今日共這漢遊山圖箇什

麼。不妨減人斤兩，猶較些子。傍人按劍。復云

百千年後不道無，只是少。少賣弄也。是雲居

羅漢。後舉似鏡清。有好有惡。清云：若不是孫

公便見，鬪體遍野。同道者方知。大地茫茫，愁

殺人。奴見婢，慙慙設使臨濟德山出來，也須

保福長慶鏡清總承嗣雪峰他三人同得同證
同見同聞同拈同用一出入遮相揆揆蓋爲
他是同條生底人舉着便知落處在雪峰會裏
居常問答只是他三人古人行住坐卧以此道
爲念所以舉着便知落處一日遊山次保福以
手指云只這裏便是妙峰頂如今禪和子恁麼
問着便只口似匾擔賴值問着長慶你道保福
恁麼道圖箇什麼古人如此要驗他有眼無眼

是他家裏人自然知他落處便對他道是卽是
可惜許且道長慶恁麼道意旨如何不可一向
恁麼去也似則似罕有等閑無一星事賴是長
慶識破他雪竇着語云今日共這漢遊山圖箇
什麼且道落在什麼處復云百千年後不道無
只是少雪竇解點骨正似黃檗道不道無禪只
是無師雪竇恁麼道也不妨險峻若不是同聲
相應爭得如此孤危奇怪此謂之着語落在兩
邊雖落在兩邊却不往兩邊後舉似鏡清清云

五言卷之三
十四
若不是孫公便見鬪體遍野孫公乃長慶俗姓
也不見僧問趙州如何是妙峰孤頂州云老僧
不答你這話僧云爲什麼不答這話州云我若
答你恐落在平地上教中說妙峰孤頂德雲比
丘從來不下山善財去參七日不逢一日却在
別峰相見及乎見了却與他說一念三世一切
諸佛智慧光明普見法門德雲既不下山因什
麼却在別峰相見若道他下山教中道德雲比
丘從來不曾下山常在妙峰孤頂到這裏德雲

與善財的在那裏自後李長者打葛藤打得
好道妙峰孤頂是一味平等法門一一皆真一
一皆全向無得無失無是非處獨露所以善
財不見到稱性處如眼不自見耳不自聞指不
自觸如刀不自割火不自燒水不自洗到這裏
教中大有老婆相爲處所以放一線道於第二
義門立賓立主立機境立問答所以道諸佛不
出世亦無有涅槃方便度衆生故現如斯事且
道畢竟作麼生免得鏡清雪竇恁麼道去當時

不能拍拍相應，所以盡大地人，髑髏徧其鏡清，
恁麼證將來，那兩箇恁麼用將來，雪竇後面頌
出更顯煥頌云：

妙峰孤頂草離離，和身沒却，脚下已深數丈
也拈得分明付與誰，用作什麼，大地没人知
乾屎橛，堪作何用，拈得鼻孔，失却口，不是孫
公辨端的，錯看箭着賊了，也不知髑髏着地，
幾人知，更不再活，如麻似粟，闍黎拈得鼻孔，
失却口。

妙峰孤頂草離離，草裏輒有什麼了期，拈得分
明付與誰，什麼處是分明處，頌保福道：「只這裏
便是妙峰頂，不是孫公辨端的。」孫公見什麼道
理，便云：「是則是，可惜許，只如髑髏着地，幾人知
汝等諸人還知麼？」

垂示云：「高高峰頂立，魔外莫能知，深深海底行，
佛眼覷不見，直饒眼似流星機，如掣電，未免靈
龜曳尾到這裏，合作麼生試舉看。」

舉劉鐵磨到瀉山，不妨難湊泊，這老婆不守

本分山云老特牛汝來也點探竿影草向什

麼處見聲訛磨云來日臺山大會齋和尚還

去麼箭不虛發大唐打鼓新羅舞放去太速

收來太遲馮山放身卧中也你向什麼處見

馮山誰知遠煙浪別有好思量磨便出去過

也見機而作

劉鐵磨尼也如擊石火似閃電光擬議則喪身

失命禪道若到緊要處那裏有許多事他作家

相見如隔牆見角便知是牛隔山見煙便知是

火按着便動捺着便轉馮山道老僧百年後向

山下檀越家作一頭水牯牛左脇下書五字云

馮山僧某甲且正當恁麼時喚作馮山僧即是

喚作水牯牛即是如今人問着管取分疎不下

劉鐵磨久參機鋒峭峻人號為劉鐵磨去馮山

十里卓庵一日去訪馮山山見來便云老特牛

汝來也磨云來日臺山大會齋和尚還去麼馮

山放身便卧磨便出去你看他一如說話相似

且不是禪又不是道喚作無事會得麼馮山去

臺山自隔數千里，劉鐵磨因什麼却令瀉山去齋？且道意旨如何？這老婆會他瀉山說話，絲來線去一放一收，互相酬唱，如兩鏡相照，無影像可觀。機機相副，句句相投。如今人三搭不迴頭，這老婆一點也瞞他不得。這箇却不是世諦情見，如明鏡當臺，明珠在掌，胡來胡現，漢來漢現。是他知有向上事，所以如此。如今只管做無事，會四祖演和尚道：莫將有事爲無事，往往事從無事生。你若參得透去，見他怎麼如尋常人說。

話一般多被言語隔礙，所以不會。唯是知音方會他底。只如乾峰示衆云：舉一不得舉一，放過一着，落在第二。雲門出衆云：昨日有一僧從天台來，却往南岳去。乾峰云：典座今日不得普請看他兩人放則雙放，收則雙收。瀉仰下謂之境致風塵草動，悉究端倪，亦謂之隔身句。意通而語隔。到這裏須是左撥右轉，方是作家。

曾騎鐵馬入重城

慣戰作家塞外將軍七事

隨身勅下傳聞六國清

狗銜赦書囊中天子

爭奈海晏河清，猶握金鞭問歸客。是什麼消息，一條拄杖兩人扶，相招同往，又同來。夜深誰共御街行。君向瀟湘，我向秦，且道行作什麼。

雪竇頌諸方，以為極則。一百頌中這一頌，最具有理路，就中極妙。貼體分明，頌出曾騎鐵馬入重城。頌劉鐵磨，恁麼來。勅下傳聞六國清，頌瀉山。恁麼問，猶握金鞭問歸客。頌磨云：來日臺山大會齋，和尚還去麼。夜深誰共御街行，頌瀉山放。

身便卧磨便出去，雪竇有這般才調。急切處向急切處頌，緩緩處向緩緩處頌。風穴亦曾拈同雪竇意，此頌諸方皆美之。高高峰頂立，魔外莫能知。深深海底行，佛眼覷不見。看他一箇放身卧，一箇便出去。若更周遮，一時求路不見。雪竇頌意最好，是曾騎鐵馬入重城。若不是同得同證焉，能恁麼。且道得箇什麼意，不見僧問風穴瀉山道：老特牛汝來也。意旨如何。穴云：白雲深處金龍躍，僧云：只如劉鐵磨道，來自臺山大會。

齋和尚還去麼意旨如何穴云碧波心裏玉兔
 驚僧云瀉山便作卧勢意旨如何穴云老倒疎
 慵無事日閑眠高卧對青山此意亦與雪竇同
 也
 垂示云機不離位墮在毒海語不驚羣陷於流
 俗忽若擊石火裏別緇素閃電光中辨殺活可
 以坐斷十方壁立千仞還知有恁麼時節麼試
 舉看

舉蓮花峰庵主拈拄杖示眾云看頂門上具

注

一隻眼也是時人窠窟古人到這裏爲什麼
 不肯住不可向虛空裏釘椽權立化城眾無
 語千箇萬箇如麻似粟却較些子可惜許一
 棚俊體自代云爲他途路不得力若向途中
 辨猶爭半月程設使得力堪作什麼豈可全
 無一箇復云畢竟如何千人萬人只向箇裏
 坐却千人萬人中一箇兩箇會又自代云柳
 標橫擔不顧人直入千峰萬峰去也好與三
 十棒只爲他擔板腦後見腮莫與往來

諸人還裁辨得蓮花峰庵主麼脚跟也未點地在國初時在廬山蓮花峰卓庵古人既得道之後茅茨石室中折脚鑄兒內煮野菜根喫過日且不求名利放曠隨緣垂一轉語且要報佛祖恩傳佛心印纔見僧來便拈拄杖云古人到這裏爲什麼不肯住前後二十餘年終無一人答得只這一問也有權有實有照有用若也知他圈績不消一捏你且道因什麼二十年如此問既是宗師所爲何故只守一槩若向箇裏見得

自然不向情塵上走凡二十年中有多少人與他平展下語呈見解做盡伎倆設有箇道得也不到他極則處況此事雖不在言句中非言句卽不能辨不見道道本無言因言顯道所以驗入端的處下口便知音古人垂一言半句亦無他只要見你知有不知有他見人不會所以自代云爲他途路不得力看他道得自然契理契機幾曾失却宗旨古人云承言須會宗勿自立規矩如今只管撞將去便了得則得爭奈顛頂

龍倘若到作家漢將三要語印空印泥印水驗
他便見方木逗圓孔無下落處到這裏討一箇
同得同證臨時向什麼處求若是知有底人開
懷通箇消息有何不可若不遇人且卷而懷之
且問你諸人拄杖子是衲僧尋常用底因什麼
却道途路不得力古人到此不肯住其實金屑
雖貴落眼成翳石室善道和尚當時遭沙汰常
以拄杖示衆云過去諸佛也恁麼未來諸佛也
恁麼現前諸佛也恁麼雪峰一日僧堂前拈拄

杖示衆云這箇只爲中下根人時有僧出問云
忽遇上上人來時如何峰拈拄杖便去雲門云
我卽不似雪峰打破狼籍僧問未審和尚如何
雲門便打大凡參問也無許多事爲你外見有
山河大地內見有見聞覺知上見有諸佛可求
下見有衆生可度直須一時吐却然後十二時
中行住坐卧打成一片雖在一毛頭上寬若大
千沙界雖居鑊湯爐炭中如在安樂國土雖居
七珍八寶中如在茅茨蓬蒿下這般事若是通

方作者到古人實處自然不費力他見無人搆
得他底復自徵云畢竟如何又奈何不得自云
柳棟橫擔不顧人直入千峰萬峰去這箇意又
作麼生且道指什麼處爲地頭不妨句中有眼
言外有意自起自倒自放自收豈不見嚴陽尊
者路逢一僧拈起拄杖云是什麼僧云不識嚴
云一條拄杖也不識嚴復以拄杖地上劄一下
云還識麼僧云不識嚴云土窟子也不識嚴復
以拄杖擔云會麼僧云不會嚴云柳棟橫擔不

顧人直入千峰萬峰去古人到這裏爲什麼不
肯住雪竇有頌云誰當機舉不賺亦還希摧殘
峭峻銷鑠玄微重關曾巨闢作者未同歸玉兔
乍圓乍缺金烏似飛不飛盧老不知何處去白
雲流水共依依因什麼山僧道腦後見腮莫與
往來纔作計較便是黑山鬼窟裏作活計若見
得徹信得及千人萬人自然羅籠不住奈何不
得動着按着自然有殺有活雪竇會他意道直
入千峰萬峰去方始成頌要知落處看取雪竇

頌云

眼裏塵沙耳裏土像僅二百擔鶻鶻突突有
 什麼限更有愁麼漢千峰萬峰不肯住你向
 什麼處去且道是什麼消息落花流水太落
 茫好箇消息閃電之機徒勞行思左顧千生
 右顧萬劫剔起眉毛何處去脚跟下更贈一
 對眼元來只在這裏還截得庵主脚跟麼雖
 然如是也須是到這田地始得打云為什麼
 只在這裏

雪竇頌得甚好有轉身處不守一隅便道眼裏
 塵沙耳裏土此一句頌蓮花峰庵主衲僧家到
 這裏上無攀仰下絕已躬於一切時中如癡似
 兀不見南泉道學道之人如癡鈍者也難得禪
 月詩云常憶南泉好言語如斯癡鈍者還希法
 燈云誰人知此意令我憶南泉南泉又道七百
 高僧盡是會佛法底人唯有盧行者不會佛法
 只會道所以得他衣鉢且道佛法與道相去多
 少雪竇拈云眼裏着沙不得耳裏着水不得或

無蹤迹

涵々滴々元字在心面南

若有箇漢信得及把得住，不受人瞞。祖佛言教，是什麼熱碗鳴聲，便請高掛鉢囊，拗折拄杖，管取一員無事道人。又云：眼裏着得須彌山，耳裏着得大海水，有一般漢受人商量。祖佛言教，如龍得水，似虎靠山，却須挑起鉢囊，橫擔拄杖，亦是一員無事道人。復云：恁麼也得，不恁麼也得。然後沒交涉，三員無事道人中，要選一人爲師。正是這般生鐵鑄就底漢，何故或遇惡境界，或遇奇特境界，到他面前，悉皆如夢相似，不知有

六根亦不知有。且暮直饒到這般田地，切忌守寒灰，死火打入黑漫漫處去。也須是有轉身一路，始得不見古人道：莫守寒巖異草，青坐却白雲。宗不妙，所以蓮花峰庵主道爲他，途路不得力。直須是千峰萬峰去，始得。且道：喚什麼作千峰萬峰？雪竇只愛他道：柳樑橫擔，不顧人直入千峰萬峰去，所以頌出。且道：向什麼處去？還有知得去處者麼？落花流水太茫茫，落花紛紛流水茫茫，閃電之機，眼前是什麼，別起眉毛何處。

去雪竇爲什麼也不知他去處只如山僧道適
來舉拂子且道卽今在什麼處你諸人若見得
與蓮花峰庵主同參其或未然三條椽下七尺
單前試去參詳看

舉僧問百丈如何是奇特事言中有響句裏

呈機驚殺人有眼不曾見丈云獨坐大雄峰

凜凜威風四百州坐者立者一俱敗缺僧禮

拜伶俐衲僧也有恁麼人要見恁麼事丈便

打作家宗師何故來言不豐令不虛行

脚機具眼不顧危亾所以道不入虎穴爭得虎
子百丈尋常如虎插翅相似這僧也不避死生
敢捋虎鬚便問如何是奇特事這僧也具眼百
丈便與他擔荷云獨坐大雄峰其僧便禮拜衲
僧家須是別未問已前意始得這僧禮拜與尋
常不同也須是具眼始得莫教平生心膽向人
傾相識還如不相識只這僧問如何是奇特事
百丈云獨坐大雄峰僧禮拜丈便打看他放去
則一時俱是收來則掃蹤滅跡且道他便禮拜

挿
識
名
二鐵圍山去

意旨如何若道是好因甚百丈便打他作什麼
若道是不好他禮拜有什麼不得處到這裏須
是識休咎別緇素立向千峰頂上始得這僧便
禮拜似捋虎鬚相似只爭轉身處賴值百丈頂
門有眼肘後有符照破四天下深辨來風所以
便打若是別人無奈他何這僧以機投機以意
遣意他所以禮拜如南泉云文殊普賢昨夜三
更起佛見法見各與二十棒貶向二鐵圍山去
也時趙州出衆云和尚棒教誰喫泉云王老師

有什麼過州禮拜宗師家等閑不見他受用處
纔到當機拈弄處自然活鱗鱗地五祖先師常
說如馬前相撲相似你但常教見聞聲色一時
坐斷把得定作得主始見他百丈且道放過時
作麼生看取雪竇頌出云
祖域交馳天馬駒五百年一間生千人萬人
中有一箇半箇子承父業
化門舒卷不同途
已在言前渠儂得自由還他作家手段
電光石火存機變劈面來也左轉右轉還見百丈

重賞之下
熟碗鳴響

豎走奔驟

爲人處也無堪笑人來捋虎鬚好與二十棒

重賞之下必有勇夫不免喪身失命放過關

黎一着

雪竇見得透方乃領出天馬駒日行千里橫行
豎走奔驟如飛方名天馬駒雪竇領百丈於祖
域之中東走向西西走向東一來一往七縱八
橫殊無少礙如天馬駒相似善能交馳方見自
由處這箇自是得他馬祖大機大用不見僧問
馬祖如何是佛法大意祖便打云我若不打你

天下人笑我去在又問如何是祖師西來意祖
云近前來向你道僧近前祖劈耳便掌云六耳
不同謀看他恁麼得大自在於建化門中或卷
或舒有時舒不在卷處有時卷不在舒處有時
卷舒俱不在所以道同塗不同轍此領百丈有
這般手脚雪竇道電光石火存機變頌這僧如
擊石火似閃電光只在此子機變處巖頭道却
物爲上逐物爲下若論戰也箇箇立在轉處雪
竇道機輪曾未轉轉必兩頭走若轉不得有什

因風

麼用處大丈夫漢也須是識些子機變始得如
今人只管供他欸被他穿却鼻孔有什麼了期
這僧於電光石火中能存機變便禮拜雪竇道
堪笑人來捋虎鬚百丈似一箇大蟲相似堪笑
這僧去捋虎鬚

垂示云問一答千舉一明二見兔放鷹因風吹
火不惜着毛則且置只如入虎穴時如何試舉
看

舉僧問雲門樹凋葉落時如何是什麼時節

家破人亡人亡家破 雲門云體露金風 撐天

拄地 斬釘截鐵淨躑躅赤洒洒平步青霄

若向箇裏薦得始見雲門為人處其或未然依
舊只是指鹿為馬眼瞎耳聾誰人到這境界且
道雲門為復是答他話為復是與他酬唱若道
答他話錯認定盤星若道與他唱和且得沒交
涉既不恁麼畢竟作麼生你若見得透衲僧鼻
孔不消一捏其或未然依舊打入鬼窟裏去大
凡扶豎宗乘也須是全身擔荷不惜着毛向虎

口橫身任他，橫拖倒拽，若不如，此爭能爲得人。這僧致箇問端，也不妨嶮峻，若以尋常事看他，只似箇管閑事底。僧若據衲僧門下去，命脉裏覷時，不妨有妙處。且道樹凋葉落，是什麼人境界。十八問中，此謂之辨主問，亦謂之借事問。雲門不移易一絲毫，只向他道體露金風，答得甚妙，亦不敢辜負他。問頭蓋爲他問處，有眼答處，亦端的。古人道：欲得親切，莫將問來問。若是知音底，舉着便知落處。你若向雲門語脉裏討便。

錯了也，只是雲門句中多愛惹人情。解若作情解，會未免喪我兒孫。雲門愛恁麼騎賊馬，趁賊不見，僧問如何，是非思量處。門云：識情難測。這僧問樹凋葉落時如何，門云：體露金風。句中不妨把斷要津，不通凡聖，須會他舉一明三舉三明。你若去他三句中求，則腦後拔箭他，一句中須具三句。函蓋乾坤句，隨波逐浪句，截斷衆流句，自然恰好。雲門三句中，且道用那句接入。試辨看頌曰：

攸人如鉗如鈇

問既有宗

深辨來風箭不虛發 答亦攸全 豈

有兩般如鐘待扣功不浪施 三句可辨 上中

下如今是第幾句須是向三句外薦取始得

一鏃遼空

中過也壓着磕着箭過新羅 大野

今涼颯颯

音天匝地還覺骨毛卓豎麼放

行去也 長天兮疎雨濛濛

風浩浩水漫漫頭

上漫漫脚下漫漫 君不見少林久坐未歸客

更有不啣喙漢帶累殺人黃河頭上瀉將過

來靜依熊耳一叢叢

開眼也着合眼也着鬼

痛裏作活計眼瞎耳聾誰到這境界不免打
折你版齒

古人道承言須會宗勿自立規矩古人言不虛

設所以道大凡問箇事也須識些子好惡若不

識尊卑去就不識淨觸信口亂道有什麼利濟

凡出言吐氣須是如鈗如鈇有鈎有鑊須是相

續不斷始得這僧問處有宗旨雲門答處亦然

雲門尋常以三句接入此是極則也雪竇頌這

公案與頌大龍公案相類三句可辨一句中具

白紙

問既有宗

深辨來風箭不虛發 答亦攸全 豈

有兩般如鐘待扣功不浪施 三句可辨 上中

下如今是第幾句須是向三句外薦取始得

一鏃遠空

中過也 壓着磕着箭過新羅 大野

今涼颯颯

音天匝地還覺骨毛卓豎麼放

行去也 長天兮疎雨濛濛

風浩浩水漫漫頭

上漫漫脚下漫漫

君不見少林久坐未歸客

更有不啣啣漢帶累殺人黃河頭上瀉將過

來靜依熊耳一叢叢

開眼也着合眼也着鬼

窟裏作活計眼瞎耳聾誰到這境界不免打折你版齒

古人道承言須會宗勿自立規矩古人言不虛

設所以道大凡問箇事也須識些子好惡若不

識尊卑去就不識淨觸信口亂道有什麼利濟

凡出言吐氣須是如錘如鈇有鈎有鑊須是相

續不斷始得這僧問處有宗旨雲門答處亦然

雲門尋常以三句接入此是極則也雪竇頌這

公案與頌大龍公案相類三句可辨一句中具

三句若辨得則透出三句外一鏃遠空鏃乃箭
鏃也射得太遠須是急着眼看始得若也見得
分明可以一句之下開展大千沙界到此領了
雪竇有餘才所以展開頌出道大野今涼颯颯
颯長天今疎雨濛濛且道是心是境是玄是妙
古人道法法不隱藏古今常顯露他問樹凋葉
落時如何雲門道體露金風雪竇意只作一境
如今眼前風拂拂地不是東南風便是西北風
直須便恁麼會始得你若更作禪道會便沒交

涉君不見少林久坐未歸客達磨未歸西天時
九年面壁靜悄悄地且道是樹凋葉落且道是
體露金風若向這裏盡古今凡聖乾坤大地打
成一片方見雲門雪竇的的為人處靜依熊耳
一叢叢熊耳即西京嵩山少林也前山也千叢
萬叢後山也千叢萬叢諸人向什麼處見還見
雪竇為人處麼也是靈龜曳尾

舉南泉參百丈涅槃和尚丈問從上諸聖還
有不為人說底法麼和尚合知壁立萬仞還

覺齒落麼。泉云有落草了也。孟八郎作什麼
便有恁麼事。丈云作麼生是不爲人說底法。
看他作麼生看。他手忙脚亂將錯就錯但試
問看。泉云不是心不是佛不是物。果然納敗。
闕。果然漏逗不少。丈云說了也。莫與他說破
從他錯。一生不合與他恁麼道。泉云某甲
只恁麼和尚作麼生。賴有轉身處與長即長
與短即短理長則就丈云我又不是大善知
識爭知有說不說。看他手忙脚亂藏身露影

去死十分爛泥裏有刺。恁麼那賺我。泉云某
甲不會。作可恁麼賴值不會會。即打你頭破。
賴值這漢只恁麼。丈云我太煞爲你說了也。
雪上加霜龍頭蛇尾作什麼
到這裏也不消。即心不即心。不消非心不非心。
直下從頂至足。眉毛一莖也無。猶較些子。即心
非心。壽禪師謂之表詮遮詮。此是涅槃和尚。惟
政禪師也。昔時在百丈作西堂。開田說大義者。
是時南泉已見馬祖了。只是往諸方決擇。百丈

表詮遮詮但劈脊痛痒

致此，一問也大難酬。云從上諸聖還有不爲人說底法麼？若是山僧掩耳而出，看這老漢一場懨懨，若是作家見他，恁麼問便識破得他。南泉只據他所見便道有，也是孟八郎。百丈便將錯就錯，隨後道作麼生？是不爲人說底法。泉云不是，心不是，佛不是，物這漢貪觀天上月，失却掌中珠。丈云說了也可，可惜許與他注破。當時但劈脊便棒教他知痛痒，雖然如是，你且道什麼處是說處？據南泉見處不是，心不是，佛不是，物不

說着，且問你諸人因什麼却道說了也？他語下又無蹤迹。若道他不說，百丈爲什麼却恁麼道？南泉是變通底人，便隨後一撥云某甲，只恁麼和尚又作麼生？若是別人未免分疎，不下爭奈百丈是作家答處，不妨奇特。便道我又不是大善知識，爭知有說不說？南泉便道箇不會，是渠果會來道不會，莫是真箇不會？百丈云我太煞爲你說了也，且道什麼處是說處？若是弄泥團漢時，兩箇涸涸漚漚，若是一俱作家時，如明

鏡當臺其實前頭二俱作家後頭二俱放過若是具眼漢分明驗取且道作麼生驗他看雪竇頌出云

祖佛從來不為人各自守疆界有條攀條記得箇元字脚在心地獄如箭衲僧今古競頭走踏破草鞋拗折拄杖高掛鉢囊明鏡當臺列像殊墮也破也打破鏡來與你相見一
一面南看北斗還見老僧騎佛殿出山門麼
新羅國裏曾上堂大唐國裏未打鼓斗柄垂

落處也不知在什麼處無處討晴可惜許枕

子落地樛子成七八片拈得鼻孔失却口那裏得這消息來果然恁麼便打

釋迦老子出世四十九年未曾說一字始從光耀土終至跋提河於是二中間未嘗說一字恁麼道且道是說是不說如今滿龍宮盈海藏且作麼生是不說豈不見修山主道諸佛不出世四十九年說達磨不西來少林有妙訣又道諸佛不曾出世亦無一法與人但能觀衆生心隨

機應病與藥施方遂有三乘十二分教其實祖
佛自古至今不曾爲人說只這不爲人正好參
詳山僧常說若是添一句甜密密地好好觀來
正是毒藥若是劈脊便棒驀口便擱推將出去
方始親切爲人衲僧今古競頭走到處是也問
不是也問問佛問祖問向上問向下雖然如此
若未到這田地也少不得如明鏡當臺列像殊
只消一句可辨明白古人道萬象及森羅一法
之所印又道森羅及萬象總在箇中圓神秀大

師云身是菩提樹心如明鏡臺時時勤拂拭勿
使惹塵埃大滿云他只在門外雪竇恁麼道且
道在門內在門外你等諸人各有一面古鏡森
羅萬象長短方圓一一於中顯現你若去長短
處會卒摸索不着所以雪竇道明鏡當臺列像
殊却須是——面南看北斗既是面南爲什麼
却看北斗若恁麼會得方見百丈南泉相見處
此兩句頌百丈揆揆處丈云我又不是大善知
識爭知有說不說雪竇到此頌得落在死水裏

恐人錯會却自提起云即目前斗柄垂你更
去什麼處討你纔拈得鼻孔失却口拈得口失
却鼻孔了也

垂示云魚行水濁鳥飛毛落明辨主賓洞分緇
素直似當臺明鏡掌內明珠漢現胡來聲彰色
顯且道為什麼如此試舉看

舉僧問大隋劫火洞然大千俱壞未審這箇
壞不壞這箇是什麼物這一句天下衲僧摸
索不着預搔待弄隋云壞無孔鐵鎚當面擲

及却鼻孔未開口已前勘破了也僧云恁麼

則隨他去也沒量大人語脉裏轉却果然錯

認隋云隨他去前箭猶輕後箭深只這箇多

少人摸索不着水長船高泥多佛大若道隨
他去在什麼處若道不隨他去又作麼生便

打

大隋真如和尚承嗣大安禪師乃東川鹽亭縣
人參見六十餘員善知識昔時在瀉山會裏作
火頭一日瀉山問云子在此數年亦不解致箇

問來看如何。隋云：令某甲問箇什麼，卽得瀉山云子，便不會問如何是佛。隋以手掩瀉山口，山云：汝已後覓箇掃地人也。無後歸川，先於朔口山路次煎茶接待往來。凡三年後，方出世開山住大隋。有僧問劫火洞然，大千俱壞，未審這箇壞不壞。這僧只據教意來問。教中云：成住壞空三災劫起，壞至三禪天。這僧元來不知話頭落處。且道這箇是什麼人。多作情解道：這箇是衆生本性。隋云：壞僧云恁麼，則隨他去也。隋云：隨

他去，只這箇多少人情解。摸索不着。若道隨他去，在什麼處。若道不隨他去，又作麼生。不見道欲得親切，莫將問來問。後有僧問修山主：劫火洞然，大千俱壞，未審這箇壞不壞。山主云：不壞。僧云：爲什麼不壞。主云：爲同於大千，壞也。碍塞殺人不壞也。碍塞殺人，其僧旣不會大隋說話，是他也不妨。以此事爲念，却持此問，直往舒州投子山。投子問：近離甚處。僧云：西蜀大隋。投子云：大隋有何言句。僧遂舉前話。投子焚香禮拜云：

西蜀有古佛出世，汝且速回。其僧復回，至大隋。隋已遷化，這僧一場懺懺。後有唐僧景遵，題大隋云：了然無別法，誰道印南能。一句隨他語，千山走衲僧。蛩寒鳴砌葉，鬼夜禮龕燈。吟罷孤窻外，徘徊恨不勝。所以雪竇後面引此兩句頌出。如今也不得作壞會，也不得作不壞會。畢竟作麼生會？急着眼看。

劫火光中立問端，道什麼已是錯了也。衲僧猶滯兩重關。坐斷此人如何救得百兩千重

也有脚頭脚底，可憐一句隨他語。天下衲僧

作這般計較，千句萬句也不消得。有什麼難

截斷他，脚跟處。萬里區區獨往還。業識茫茫

蹉過也。不知自是他踏破草鞋。

雪竇當機頌出，句裏有出身處。劫火光中立問端，衲僧猶滯兩重關。這僧問處先懷壞，與不壞是兩重關。若是得底，人道壞也有出身處。道不壞也有出身處。可憐一句隨他語，萬里區區獨往還。頌這僧持此問，投子又復回。大隋可謂萬

里區區也

舉僧問趙州承聞和尚親見南泉是否千聞

不如一見撥眉分八字州云鎮州出大蘿蔔

頭撐天拄地斬釘截鐵箭過新羅腦後見腮

莫與往來

這僧也是箇久參底問中不妨有眼爭奈趙州
走作家便答他道鎮州出大蘿蔔頭可謂無味
之談塞斷人口這老漢大似箇白拈賊相似你
纔開口便換却你眼睛若是特達英靈底漢直

下向擊石火裏閃電光中纔聞舉着剔起便行
苟或佇思停機不免喪身失命江西澄散聖判
謂之東問西答喚作不答話不上他圈績若恁
麼會爭得遠錄公云此是傍瞥語收在九帶中
若恁麼會夢也未夢見在更帶累趙州去有者
道鎮州從來出大蘿蔔頭天下人皆知趙州從
來參見南泉天下人皆知這僧却更問道承聞
和尚親見南泉是否所以州向他道鎮州出大
蘿蔔頭且得沒交涉都不恁麼會畢竟作麼生

會他家自有通霄路不見僧問九峰承聞和尚
親見延壽來是否峰云山前麥熟也未正對得
趙州答此僧話渾似兩箇無孔鐵鎚趙州老漢
是箇無事底人你輕輕問着便換却你眼睛若
是知有底人細嚼來噉若是不知有底人一似
渾崙吞箇棗

鎮州出大蘿蔔

天下人知切忌道着一回舉

着一回新

天下衲僧取則

爭奈不恁麼誰用

這兩言長語

只知自古自今

半開半合如麻

似粟自古也不恁麼如今也不恁麼爭辨

白烏黑

全機穎脫長者自長短者自短識得

者貴也不消得辨

賊賊

咄更不是別自是擔

枷過狀

衲僧鼻孔曾拈得

穿過了也裂裂轉

鎮州出大蘿蔔你若取他爲極則早是錯了也
古人把手上高山未免傍觀者哂人皆知道這
箇是極則語却畢竟不知極則處所以雪竇道
天下衲僧取則只知自古自今爭辨白烏黑
雖知今人也恁麼答古人也恁麼答何曾分得

縑素來雪竇道也須是去他石火電光中辨其
鵠白鳥黑始得公案到此領了也雪竇自出意
向活潑潑處更向你道賊賊衲僧鼻孔曾拈得
三世諸佛也是賊歷代祖師也是賊善能作賊
換人眼睛不犯手脚獨許趙州且道什麼處是
趙州善做賊處鎮州出大蘿蔔頭

佛果園悟禪師碧巖集卷第三

終

音釋

奠奠

上力結切切

纂

莫歷

因

戶

下仇 瞠 丑 朔 補 葵 亡

谷切

浙江嘉興府楞嚴寺經坊餘贊刻此 碧巖集卷第三哥字一五二九百八十五個
該銀十兩三錢九分二厘 順治十年二月 日般若堂識

谷民對夷... 不此堂在... 醉... 與與... 公... 四... 醉...

碧巖集卷第三校論

第二紙

二行你下和本有攝字元本同今本第

四紙

十八行聲和第五紙五方和本並元本

第六紙

五行道來和本第七紙初行示衆

第十紙

十五行不到和第十一紙十六行在

第十七紙

十七行四祖一本本第二十紙

第二十一紙

九行如今下

第二十三紙

八行

第二十四紙

十行祖佛和本作祖師元

意字

一本無

下和本有不字不恁麼也
 下亦有不字元本同今本
 本無九行大龍和本**第二十五紙**
 道字並元本**第三十一紙**本作天龍**第三十三紙**
 七行惟和本作法八行政
 和本作正元本同今本
 朱非
第三十五紙二行失和本作
 也本
 第**第十紙**本非
 本非
 第**十一紙**本非
 非
 第**六紙**並元本
四紙本非
 第**二紙**本非
 野狐窟裏透得徹信得及無絲毫障翳如
 龍得水似虎靠山放行也瓦礫生光把定也真
 金失色古人公案未免周遮且道評論什麼邊
 事試舉看
 舉麻谷持錫到章敬遶禪牀三匝振錫一下

佛果園悟禪師碧岩集卷第四

秣陵遠庵吳自弘校

天界比丘性湛閱

垂示云動則影現覺則冰生其或不動不覺不
 免入野狐窟裏透得徹信得及無絲毫障翳如
 龍得水似虎靠山放行也瓦礫生光把定也真
 金失色古人公案未免周遮且道評論什麼邊
 事試舉看
 舉麻谷持錫到章敬遶禪牀三匝振錫一下

碧岩集卷之二十三

四

卓然而立

曹溪樣子一摸脫出直得驚天動

地敬云是是

泥裏洗土塊賺殺一船人是什

麼話話繫驢繫子

雪竇着語云錯

放過則不

可猶較一着在麻谷又到南泉透禪牀三匝

振錫一下卓然而立

依前泥裏洗土塊再運

前來鯁跳不出斗泉云不是不是

何不承當

殺人不起眼是什麼語話

雪竇着語云錯

放

過不可

麻谷當時云

錄無之應胡

章敬道是和尚爲什麼

道不是

主人公在什麼處這漢元來取人舌

頭漏逗了也

泉云章敬即是汝不是

也好

殺人須見血爲人須爲徹瞞却多少人來此

是風力所轉終成敗壞

果然被他籠罩爭奈

自己何

古人行脚徧歷叢林直以此事爲念要辨他曲

錄木牀上老和尚具眼不具眼古人一言相契

卽住一言不契卽去看他麻谷到章敬透禪牀

三匝振錫一下卓然而立章敬云是是殺人力

活人劍須是本分作家雪竇云錯落在兩邊你

成敗壞

若去兩邊會不見雪竇意他卓然而立且道爲
什麼事雪竇爲什麼却道錯什麼處是他錯處
章敬道是什麼處是處蜀本作錯是字應前雪竇如坐讀判語麻
谷檐箇是字便去見南泉依然遶禪牀三匝振
錫一下卓然而立泉云不是不是殺人刀活人
劍須是本分宗師雪竇云錯章敬道是是南泉
云不是不是爲復是同是別前頭道是爲什麼
也錯後頭道不是爲什麼也錯若向章敬句下
薦得自救也不了若向南泉句下薦得可與祖

章敬道是下有即是字可也

佛爲師雖然恁麼衲僧家須是自肯始得莫一
向取人口辯他問既一般爲什麼一箇道是一
箇道不是若是通方作者得大解脫底人必須
別有生涯若是機境不忌底決定滯在這兩頭
若要明辨古今坐斷天下人舌頭須是明取這
兩錯始得及至後頭雪竇頌也只頌這兩錯雪
竇要提活鱗鱗處所以如此若是皮下有血底
漢自然不向言句中作解會不向繫驢橛上作
道理有者道雪竇代麻谷下這兩錯有什麼交

涉殊不知古人着語鎖斷要關這邊也是那邊也是畢竟不在這兩頭慶藏主道持錫遶禪牀如是不是俱錯其實亦不在此你不見永嘉到曹溪見六祖遶禪牀三匝振錫一下卓然而立祖云夫沙門者具三千威儀八萬細行大德從何方而來生大我慢爲什麼六祖却道他生大我慢此箇也不說是也不說不是是與不是都是繫驢橛唯有雪竇下兩錯猶較些子麻谷云章敬道是和尚爲什麼道不是這老漢不惜脣

毛漏逗不少南泉道章敬則是是汝不是南泉可謂見兔放鷹慶藏主云南泉忒煞郎當不是便休更與佗出過道此是風力所轉終成敗壞圓覺經云我今此身四大和合所謂髮毛爪齒皮肉筋骨髓腦垢色皆歸於地唾涕膿血皆歸於水暖氣歸火動轉歸風四大各離今者妄身當在何處佗麻谷持錫遶禪牀既是風力所轉終成敗壞且道畢竟發明心宗底事在什麼處到這裏也須是生鐵鑄就底箇漢始得豈不見

張拙秀才參西堂藏禪師問云山河大地是有
是無三世諸佛是有是無藏云有張拙秀才云
錯藏云先輩曾參見什麼人來拙云參見徑山
和尚來某甲凡有所問話徑山皆言無藏云先
輩有何眷屬拙云有一山妻兩箇癡頭又却問
徑山有甚眷屬拙云徑山古佛和尚莫謗渠好
藏云待先輩得似徑山時一切言無張拙俛首
而已大凡作家宗師要與人解粘去縛拙釘拔
楔不可只守一邊左撥右轉右撥左轉但看仰

山到中邑處謝戒邑見來於禪牀上拍手云和
尚仰山卽東邊立又西邊立又於中心立然後
謝戒了却退後立邑云什麼處得此三昧來仰
山云於曹溪印子上脫將來邑云汝道曹溪用
此三昧接什麼人仰云接一宿覺仰山又復問
中邑云和尚什麼處得此三昧來邑云我於馬
祖處得此三昧來似恁麼說話豈不是舉一明
三見本逐末底漢龍牙示衆道夫參學人須透
過祖佛始得新豐和尚道見祖佛言教如生寬

得入
サユルトカイニヨクニクセニハサユルトヨケリ

家始有參學分若透不得即被祖佛瞞去時有
僧問祖佛還有瞞人之心也無牙云汝道江湖
還有得入之心也無又云江湖雖無得入之心
自是時人過不得所以江湖却成得人去不得
道江湖不得入祖佛雖無瞞人之心自是時人
透不得祖佛却成瞞人去也不得道祖佛不瞞
入若透得祖佛過此人即過却祖佛也須是體
得祖佛意方與向上古人同如未透得儻學佛
學祖則萬劫無有得期又問如何得不被祖佛

瞞去牙云直須自悟去到這裏須是如此始得
何故為人須為徹殺人須見血南泉雪竇是這
般人方敢拈弄頌云

此錯彼錯惜取眉毛據令而行天上天下唯

我獨尊切忌拈却兩箇無孔鐵鎚直饒千手

大悲也提不起或若拈去闍黎喫二十棒四

海浪平天下人不致動着東西南北一等家

風近日多雨水百川潮落淨皜皜赤洒洒且

得自家安穩直得海晏河清古策風高十二

門何似這箇杖頭無眼切忌向拄杖頭上作

活計門門有路空蕭索一物也無賺你平生

覷着即瞎非蕭索果然賴有轉身處已瞎了

也便打作者好求無病藥一死更不再活十

二時中爲什麼瞌睡撈天摸地作什麼

這一箇頌似德山見馮山公案相似先將公案

着兩轉語穿作一串然後頌出此錯彼錯切忌

拈却雪竇意云此處一錯彼處一錯切忌拈却

拈却即垂須是如此着這兩錯直得四海浪平

百川潮落可煞清風明月你若向這兩錯下會

得更沒一星事山是山水是水長者自長短者

自短五日一風十日一雨所以道四海浪平百

川潮落後面頌麻谷持錫云古策風高十二門

古人以鞭爲策祖庭事苑拄杖爲策中古策舉

錫杖西王母瑤池上有十二朱門古策即是拄

杖頭上清風高於十二朱門天子及帝釋所居

之處亦各有十二朱門若是會得這兩錯拄杖

頭上生光古策也用不着古人道識得拄杖子

一生參學事畢，又道不是標形虛事，禪如來寶杖親蹤跡。此之類也。到這裏七顛八倒，於一切時中得大自在。門門有路空，蕭索雖有路，只是空蕭索。雪竇到此自覺漏逗，更與你打破。然雖如是，也有非蕭索處。任是作者無病時，也須是先討些藥喫始得。公案論云：公案風尚十二門垂示云：十方坐斷，千眼頓開。一句截流，萬機寢削。還有同死同生底麼？見成公案打疊不下古入葛藤試請舉看。

舉定上座問臨濟如何是佛法大意。多少人入到此茫然，猶有這箇在。詩郎當作什麼。濟下禪牀，擒住與一掌，便托開。今日捉敗老婆心切，天下衲僧跳不出。定佇立已，落鬼窟裏，蹉過了也。未免失却鼻孔。傍僧云：定上座何不禮拜。冷地裏有人覷破，全得他力。東家人死西家人助哀。定方禮拜，將勤補拙，忽然大悟。如暗得燈，如貧得寶，將錯就錯，且道定上座見箇什麼，便禮拜。

看。他。恁。麼。直。出。直。入。直。往。直。來。乃。是。臨。濟。正。宗。
有。恁。麼。作。用。若。透。得。去。便。可。翻。天。作。地。自。得。受。
用。定。上。座。是。這。般。漢。被。臨。濟。一。掌。禮。拜。起。來。便。
知。落。處。他。是。向。北。人。最。朴。直。既。得。之。後。更。不。出。
世。後。來。全。用。臨。濟。機。也。不。妨。穎。脫。一。日。路。逢。巖。
頭。雪。峰。欽。山。三。人。巖。頭。乃。問。甚。處。來。定。云。臨。濟。
頭。云。和。尚。萬。福。定。云。已。順。世。了。也。頭。云。某。等。三。
人。特。去。禮。拜。福。緣。淺。薄。又。值。歸。寂。未。審。和。尚。在。
口。有。何。言。句。請。上。座。舉。一。兩。則。看。定。遂。舉。臨。濟。

一。日。示。衆。云。赤。肉。團。上。有。一。無。位。真。人。常。從。汝。
諸。人。面。門。出。入。未。證。據。者。看。看。時。有。僧。出。問。如。
何。是。無。位。真。人。濟。便。擒。住。云。道。道。僧。擬。議。濟。便。
托。開。云。無。位。真。人。是。什。麼。乾。屎。橛。便。歸。方。丈。巖。
頭。不。覺。吐。舌。欽。山。云。何。不。道。非。無。位。真。人。被。定。
擒。住。云。無。位。真。人。與。非。無。位。真。人。相。去。多。少。速。
道。速。道。山。無。語。直。得。面。黃。面。青。巖。頭。雪。峰。近。前。
禮。拜。云。這。新。戒。不。識。好。惡。觸。忤。上。座。望。慈。悲。且。
放。過。定。云。若。不。是。這。兩。箇。老。漢。壑。殺。這。尿。牀。鬼。

子又在鎮州齋回到橋上歇逢三人座主一人
問如何是禪河深處須窮底定擒住擬拋向橋
下時二座主連忙救云休休是伊觸忤上座且
望慈悲定云若不是二座主從他窮到底去看
他恁麼手段全是臨濟作用更看雪竇頌出云
非斷際全機繼後蹤黃河從源頭濁了也子承
父業持來何必在從容在什麼處爭奈有如
此人無脚手人還得他也無巨靈擡手無多
子嚇殺人少賣弄打一拂子更不再勘分破

華山千萬重乾坤大地一時露出墮也

雪竇頌斷際全機繼後蹤持來何必在從容黃
檟大機大用唯臨濟獨繼其蹤拈得將來不容
擬議或若躊躇便落陰界楞嚴經云如我按指
海印發光汝暫舉心塵勞先起巨靈擡手無多
子分破華山千萬重巨靈神有大神力以手擘
開太華放水流入黃河定上座疑情如山堆岳
積被臨濟一掌直得瓦解冰消
垂示云東西不辨南北不分從朝至暮從暮至

朝還道伊瞌睡麼有時眼似流星還道伊惺惺
麼有時呼南作北且道是有心是無心是道人
是常人若向箇裏透得始知落處方知古人恁
麼不恁麼且道是什麼時節試舉看

舉陳操尚書看資福福見來便畫一圓相是

精識精是賊識賊若不蘊籍爭識這漢還見

金剛圈麼操云弟子恁麼來早是不着便何

况更畫一圓相今日撞着個瞌睡漢這老賊

福便掩却方丈門賊不打貧兒家已入它圈

續了也雪竇云陳操只具一隻眼雪竇頂門

具眼且道他意在什麼處也好與一圓相灼

然龍頭蛇尾當時好與一撥教伊進亦無門

退亦無路且道更與他什麼一撥

陳操尚書與裴休李翱同時凡見一僧來先請

齋襯錢三百須是勘辨一日雲門到相看便問

儒書中即不問三乘十二分教自有座主作麼

生是衲僧家行脚事雲門云尚書曾問幾人來

操云即今問上座門云即今且置作麼生是教

意操云黃卷赤軸門云這箇是文字語言作麼
生是教意操云口欲談而辭喪心欲緣而慮亾
門云口欲談而辭喪爲對有言心欲緣而慮亾
爲對妄想作麼生是教意操無語門云見說尚
書看法華經是否操云是門云經中道一切治
生產業皆與實相不相違背且道非非想天卽
今有幾人退位操又無語門云尚書且莫草草
師僧家拋却三經五論來入叢林十年二十年
尚自不奈何尚書又爭得會操禮拜云某甲罪

過又一日與衆官登樓次望見數僧來一官人
云來者總是禪僧操云不是官云焉知不是操
云待近來與你勘過僧至樓前操驀召云上座
僧舉頭書謂衆官云不信道唯有雲門一人他
勘不得他參見睦州來一日去參資福福見來
便畫一圓相資福乃瀉山仰山下尊宿尋常愛
以境致接人見陳操尚書便畫一圓相爭奈操
却是作家不受人瞞解自點檢云弟子恁麼來
早是不着便那堪更畫一圓相福掩却門這般

公案謂之言中辨的句裏藏機雪竇道陳操只具一隻眼雪竇可謂頂門具眼且道意在什麼處也好與一圓相若總恁麼地衲僧家如何爲入我且問你當時若是諸人作陳操時堪下得箇什麼語免得雪竇道他只具一隻眼所以雪竇踏翻頌云

團團珠連玉珊珊三尺杖子攪黃河須是碧眼胡僧始得生鐵鑄就馬載驢馳上鐵船用許多作什麼有什麼限且與閻黎看分付海

馱

山無事客有人不要若是無事客也不消得

須是無事始得釣鼈時下一圈學恁麼來恁

麼去一時出不得若是蝦蟇堪作什麼蝦蟇

螺蚌怎生奈何須是釣鼈始得雪竇復云天

下衲僧跳不出兼身在内一坑理却閻黎還

跳得出麼

團團珠連玉珊珊馬載驢馳上鐵船雪竇當頭頌出只頌箇圓相若會得去如虎戴角相似這箇些子須是桶底脫機關盡得失是非一時放

馱

却更不要作道理會也不得作玄妙會畢竟作
麼生會這箇須是馬載驢上鐵船這裏看始
得別處則不可分付須是將去分付海山無事
底客你若肚裏有些子事卽承當不得這裏須
是有事無事違情順境若佛若祖奈何他不得
底人方可承當若有禪可參有凡聖情量決定
承當他底不得承當得了作麼生會他道釣鼈
時下一圈攆釣鼈須是圈攆始得所以風穴云
慣釣鯨鯢澄巨浸却嗟蛙步碾泥沙又云巨鼈

莫載三山去吾欲蓬萊頂上行雪竇復云天下
衲僧跳不出若是巨鼈終不作衲僧見解若是
衲僧終不作巨鼈見解
舉仰山問僧近離甚處天下人一般也要問
過因風吹火不可不作常程僧云廬山實頭
人難得山云曾遊五老峰麼因行不妨擗臂
何曾蹉過僧云不曾到移一步面赤不如語
直也似忘前失後山云闍黎不曾遊山太多
事生惜取眉毛好遣老漢着甚死急雲門云

五言詩集卷之四
七四

此語皆爲慈悲之故有落草之談殺人刀活

人劍兩箇二箇要知山上路須是去來人

驗入端的處下口便知音古人道沒量大人向語脉裏轉却若是頂門具眼舉着便知落處看他一問一答歷歷分明雲門爲什麼却道此語皆爲慈悲之故有落草之談古人到這裏如明鏡當臺明珠在掌胡來胡現漢來漢現一箇蠅子也過他鑑不得且道作麼生是慈悲之故有落草之談也不妨險峻到這田地也須是箇漢

始可捉接雲門拈云這僧親從廬山來因什麼却道關黎不曾遊山瀉山一日問仰山云諸方若有僧來汝將什麼驗他仰山云某甲有驗處瀉山云子試舉看仰云某甲尋常見僧來只舉拂子向伊道諸方還有這箇麼待伊有語只向伊道這箇卽且置那箇如何瀉山云此是向上人牙爪豈不見馬祖問百丈什麼處來丈云山下來祖云路上還逢着一人麼丈云不曾祖云爲什麼不曾逢着丈云若逢着卽舉似和尚祖

云那裏得這消息來。丈云某甲罪過。祖云却是老僧罪過。仰山問僧。正相類此。當時待他。道曾到五老峰麼。這僧若是箇漢。但云禍事。却道不曾到。這僧既不作家。仰山何不據令而行。免見後面許多葛藤。却云。闍黎不曾遊山。所以雲門道。此語皆爲慈悲之故。有落草之談。若是出草之談。則不恁麼。

出草入草。頭上漫漫。脚下漫漫。半開半合。他也恁麼。我也恁麼。誰解尋討。頂門具一隻眼。

闍黎不解尋討。白雲重重。千重百匝。頭上安。

頭紅日杲杲。破也。瞎舉眼。卽錯。左顧無暇。瞎。

漢依前無事。你作許多伎倆。作什麼。右盼已。

老。一念萬年過。君不見寒山子。癩兒牽伴。行。

太早也。不早。十年歸不得。卽今在什麼處。灼。

然忘却來時道。渠儂得自由。放過。一着便打。

莫做這忘前失後好。

出草入草。誰解尋討。雪竇却知他。落處到這裏。一手擡。一手搦。白雲重重。紅日杲杲。大似草草。

閩字福蜀二本作同
應可

茸煙爨爨到這裏無一絲毫屬凡無一絲毫屬
聖徧界不曾藏一一蓋覆不得所謂無心境界
寒不聞寒熱不聞熱都盧是箇大解脫門左顧
無瑕右盼已老懶瓚和尚隱居衡山石室中唐
德宗聞其名遣使召之使者至其室宣言天子
有詔尊者當起謝恩瓚方撥牛糞火尋煨芋而
食寒涕垂頤未嘗答使者笑曰且勸尊者拭涕
瓚曰我豈有工夫爲俗人拭涕耶竟不起使回
奏德宗甚欽嘆之似這般清寥寥白的的不受

人處分直是把握定如生鐵鑄就相似只如善
道和尚遭沙汰後更不復作僧人呼爲石室行
者每踏碓忘移步僧問臨濟石室行者忘移步
意旨如何濟云沒溺深坑法眼圓成實性頌云
理極忘情謂如何有喻齊到頭霜夜月任蓮落
前溪菓熟兼猿重山長似路迷舉頭殘照在元
是住居西雪竇道君不見寒山子行太早十年
歸不得忘却來時道寒山子詩云欲得安身處
寒山可長保微風吹幽松近聽聲愈好下有班

白人嘮嘮讀黃老十年歸不得忘却來時道永嘉又道心是根法是塵兩種猶如鏡上痕痕垢盡時光始現心法雙忘性即真到這裏如癡似兀方見此公案若不到這田地只在語言中走有甚了日
垂示云定龍蛇分玉石別緇素決猶豫若不是頂門上有眼肘臂下有符往往當頭蹉過只如今見聞不昧聲色純真且道是阜是白是曲是直到這裏作麼生辨

舉文殊問無着近離什麼處不可不借問也
有這箇消息無着云南方草窠裏出頭何必擔向眉毛上大方無外爲什麼却有南方殊云南方佛法如何住持若問別人則禍生猶掛唇齒在着云末法比丘少奉戒律實頭人難得殊云多少衆當時便與一喝一撥一撥倒了也着云或三百或五百盡是野狐精果然漏逗無着問文殊此間如何住持按着便回轉鎗頭來也殊云凡聖同居龍蛇混雜敗缺

不少直得脚忙手亂還我話頭着云多少衆來也不得放過殊云前三三後三三顛言倒語且道是多少千手大悲數不足

無着遊五臺至中路荒僻處文殊化一寺接他宿遂問近離甚處着云南方殊云南方佛法如何住持着云末法比丘少奉戒律殊云多少衆着云或三百或五百無着却問文殊此間如何住持殊云凡聖同居龍蛇混雜着云多少衆殊云前三三後三三却喫茶文殊舉起玻璃盞子

云南方還有這箇麼着云無殊云尋常將什麼喫茶着無語遂辭去文殊令均提童子送出門首無着問童子云適來道前三三後三三是多少童子云太德着應喏子云是多少又問此是何寺童子指金剛後面着回首化寺童子悉隱不見只是空谷彼處後來謂之金剛窟後有僧問風穴如何是清涼山中主穴云一句不遑無着問迄今猶作野盤僧若要參透平平實實脚踏實地向無着言下薦得自然居鑊湯爐炭中

亦不聞熱居寒冰上亦不聞冷若要參透使孤
危峭峻如金剛王寶劍向文殊言下薦取自然
水洒不着風吹不入不見漳州地藏問僧近離
甚處僧云南方藏云彼中佛法如何僧云商量
浩浩地藏云爭似我這裏種田博飯喫且道與
文殊答處是同是別有底道無着答處不是文
殊答處也有龍有蛇有凡有聖有什麼交涉還
辨明得前三三後三三麼前箭猶輕後箭深且
道是少若向這裏透得千句萬句只是一句

若向此一句下截得斷把得住相次間到這境
界

千峰盤屈色如藍還見文殊麼誰謂文殊是

對談設使普賢也不顧蹉過了也堪笑清涼

多少衆且道笑什麼已在言前前三三與後

三三三試請脚下辨看爛泥裏有刺碗子落地

碟子成七片

千峰盤屈色如藍誰謂文殊是對談有者道雪
竇只是重拈一遍不曾領着只如僧問法眼如

何是曹源一滴水眼云是曹源一滴水又僧問
瑯琊覺和尚清淨本然云何忽生山河大地覺
云清淨本然云何忽生山河大地不可也喚作
重拈一徧明招獨眼龍亦頌其意有蓋天蓋地
之機道廓周沙界勝伽藍滿目文殊是對談言
下不知開佛眼回頭只見翠山巖廓周沙界勝
伽藍此指草窟化寺所謂有權實雙行之機滿
目文殊是對談言下不知開佛眼回頭只見翠
山巖正當恁麼時喚作文殊普賢觀音境界得

麼要且不是這箇道理雪竇只改明招底用却
有針線千峰盤屈色如藍更不傷鋒犯手句中
有權有實有理有事誰謂文殊是對談一夜對
談不知是文殊後來無着在五臺山作典座文
殊每於粥鍋上現被無着拈攪粥筥便打雖然
如是也是賊過後張弓當時等他道南方佛法
如何住持劈脊便棒猶較些子堪笑清涼多少
衆雪竇笑中有刀若會得這笑處便見他道前
三三與後三三

舉長沙一日遊山歸至門首

今日一日只管

落草前頭也是落草後頭也是落草 首座問

和尚什麼處去來也是勘過這老漢箭過新

羅沙云遊山來不可落草敗缺不少草裏漢

首座云到什麼處來撥若有所至未免落草

相牽入火坑 沙云始隨芳草去又逐落花回

漏逗不少元來只在荆棘林裏坐 座云大似

春意相隨來也將錯就錯一手擡一手壩 沙

云也勝秋露滴芙蓉土上加泥前箭猶輕後

箭深有什麼了期 雪竇着語云謝答話一火

弄泥團漢三箇一狀領過

長沙鹿苑招賢大師法嗣南泉與趙州紫胡輩

同時機鋒敏捷有人問教便與說教要頌便與

頌你若作家相見便與你作家相見仰山尋

常機鋒最為第一一日同長沙翫月次仰山指

月云人人盡有這箇只是用不得沙云恰是便

倩你用那仰山云你試用看沙一踏踏倒仰山

起云師叔一似箇大蟲後來人號為岑大蟲因

一日遊山歸首座亦是他會下人便問和尚什
麼處去來沙云遊山來座云到什麼處去來沙
云始隨芳草去又逐落花回須是坐斷十方底
人始得古人出入未嘗不以此事爲念看他賓
主互換當機直截各不相饒既是遊山爲什麼
却問道到什麼處去來若是如今禪和子便道
到來山亭來看他古人無絲毫道理計較亦無
住着處所以道始隨芳草去又逐落花回首座
便隨他意向他道大似春意沙云也勝秋露滴

笑藥雪竇云謝答話代末後語也也落兩邊畢
竟不在這兩邊昔有張拙秀才看千佛名經乃
問百千諸佛但聞其名未審居何國土還化物
也無沙云黃鶴樓崔顥題詩後秀才曾題也未
拙云未曾題沙云得閑題取一篇也好岑大蟲
平生爲人直得珠回玉轉要人當面便會頌云
大地絕纖埃豁開戶牖當軒者誰盡少這箇
不得天下太平何人眼不開頂門上放大光
明始得撒土撒沙作什麼始隨芳草去漏逗

不少不是一回落草賴值前頭已道了又逐
落花回處處全真且喜歸來脚下泥深三尺
羸鶴翹寒水左之右之添一句更有許多閑
事在却因親着九添一句也不狂猿嘯古臺
得減一句也不得長沙無限意便打未後一
句道什麼一坑埋却墮在鬼窟裏咄草裏漢
賊過後張弓更不可放過

且道這公案與仰山問僧近離甚處僧云廬山
仰云曾到五老峰麼僧云不曾到仰云關黎不

曾遊山辨緇素看是同是別到這裏須是機關
盡意識忘山河大地草芥人畜無些子滲漏若
不如此古人謂之猶在勝妙境界不見雲門道
直得山河大地無纖毫過患猶爲轉物不見一
切色始是半提更須知有全提時節向上一竅
始解穩坐若透得依舊山是山水是水各住自
位各當本體如大拍盲人相似趙州道雞鳴丑
愁見起來還漏逗裙子褊衫筒也無袈裟形相
些些有襯無襠袴無口頭上青灰三五斗本爲

修行利濟人誰知翻成不啣留若得真實到這
境界何人眼不開一任七顛八倒一切處都是
這境界都是這時節十方無壁落四面亦無門
所以道始隨芳草去又逐落花回雪竇不妨巧
只去他左邊貼一句右邊貼一句一似一首詩
相似羸鶴翹寒木狂猿嘯古臺雪竇引到這裏
自覺漏逗驀云長沙無限意咄如作夢却醒相
似雪竇雖下一喝未得勦絕若是山僧卽不然
長沙無限意掘地更深埋

垂示云掣電之機徒勞佇思當空霹靂掩耳難
諸腦門上播紅旗耳背後輪雙劍若不是眼辨
手親爭能搆得有般底低頭佇思意根下卜度
殊不知髑髏前見鬼無數且道不落意根不抱
得失忽有箇恁麼舉覺作麼生祇對試舉看
舉盤山垂語云三界無法箭旣離弦無返回
勢月明照見夜行人中也識法者懼好和聲
便打何處求心莫瞞人好不勞重舉自點檢
看便打云是什麼

向北幽州盤山寶積和尚乃馬祖下尊宿後出
普化一人師臨遷化謂眾云還有人邈得吾真
麼眾皆寫真呈師師皆叱之普化出云某甲邈
得師云何不呈似老僧普化便打筋斗而出師
云這漢向後如風狂接人去在一日示眾云三
界無法何處求心四大本空佛依何住璿璣不
動寂止無痕覲面相呈更無餘事雪竇拈兩句
來頌直是渾金璞玉不見道瘡病不假驢騎藥
山僧爲什麼道和聲便打只爲佗擔枷過狀古

馱

人道聞和聲外句莫向意中求且道他意作麼
生直得奔流度刃電轉星飛若擬議尋思千佛
出世也摸索他不著若是深入闢奧徹骨徹髓
見得透底盤山一場敗缺若承言會宗左轉右
轉底盤山只得一椀若是拖泥帶水聲色堆裏
轉未夢見盤山在五祖先師道透過那邊方有
自由分不見三祖道執之失度必入邪路放之
自然體無去住若向這裏道無佛無法又打入
鬼窟裏去古人謂之解脫深坑本是善因而招

惡果所以道無爲無事人猶遭金鎖難也須是窮到底始得若向無言處言得行不得處行得謂之轉身處三界無法何處求心你若作情解只在他言下死却雪竇見處七穿八穴所以頌出

三界無法

言猶在耳

何處求心

不勞重舉自

點檢看打云是什麼

白雲爲蓋

頭上安頭千

重萬重流泉作琴

聞麼相隨來也一聽一堪

悲一曲兩曲無人會

不落宮商非干角徵借

路經過五音六律盡分明自領出去聽則聲

雨過夜塘秋水深

迅雷不及掩耳直得拖泥

帶水在什麼處便打

三界無法何處求心雪竇頌得一似華嚴境界有者道雪竇無中唱出若是眼皮綻底終不恁麼會雪竇去他傍邊貼兩句道白雲爲蓋流泉作琴蘇內翰見照覺有頌云溪聲便是廣長舌山色豈非清淨身夜來八萬四千偈他日如何舉似人雪竇借流泉作一片長舌頭所以道一

曲兩曲無人會，不見九峰慶和尚道，還識得命麼？流泉是命，湛寂是身，千波競起，是文殊家風。一旦晴空，是普賢境界，流泉作琴，一曲兩曲無人會，這般曲調也須是知音，始得若非其人，徒勞側耳。古人道：聾人也唱胡家曲，好惡高低總不聞。雲門道舉不顧，卽差互擬思量，何劫悟舉是體顧？是用未舉已前，朕兆未分已前，見得坐斷要津，若朕兆纔分，見得便有照用。若朕兆分後，見得落在意根，雪竇恁慈悲，更向你道却。

似雨過夜塘，秋水深。此一頌曾有人論量，美雪竇有翰林之才，雨過夜塘，秋水深也。須是急着眼看，更若遲疑，卽討不見。

垂示云：若論漸也，返常合道，鬧市裏七縱八橫，若論頓也不留朕迹，千聖亦摸索不着。儻或不立頓漸，又作麼生快人？一言快馬一鞭正恁麼時，誰是作者試舉看。

舉風穴在郢州衙內上堂云：倚公說禪道，什麼祖師心印，狀似鐵牛之機。千人萬人撼不

動論訛節角在什麼處三要印開不犯鋒鋌

去卽印住正令當行錯住卽印破再犯不容

看取令行時撥便打只如不去不住看無頓

置處多少諸訛印卽是不印卽是天下人頭

出頭沒有分文彩已彰但請掀倒禪牀喝散

大眾時有盧陂長老出問某甲有鐵牛之機

釣得一箇暗曉得不妨奇特請師不搭印好

箇話頭爭奈諸訛穴云慣釣鯨鯢澄巨浸却

嗟蛙步輾泥沙似鶻提鳩寶網漫空神駒千

里陂佇思可惜許也有出身處可惜放過穴

喝云長老何不進語撓旗奪鼓炒開來也陂

擬議一回死了兩重公案穴打一拂子好打

這箇令須是恁麼人行始得穴云還記得話

頭麼試舉看何必雪上加霜陂擬開口一死

更不再活這漢鈍置殺人遭他毒手穴又打

一拂子牧主云佛法與王法一般灼然却被

傍人覷破穴云見箇什麼道理也好與一撥

却回鎗頭來也牧主云當斷不斷返招其亂

似則似是則未是須知傍人有眼東家人死
西家人助哀穴便下座將錯就錯見機而變
且得參學事畢

風穴乃臨濟下尊宿臨濟當初在黃檗會下我
松次檗云深山裏我許多松作什麼濟云一與
山門作境致二與後人作標榜道了便鏹地一
下檗云雖然如是子已喫二十棒了也濟又打
地一下云噓噓檗云吾宗到汝大興於世瀉山
詰云臨濟恁麼大似平地喫交雖然如是臨危

不變始稱真丈夫檗云吾宗到汝大興於世大
似憐兒不覺醜後來瀉山問仰山黃檗當時只
囑付臨濟一人別更有在仰山云有只是年代
深遠不欲舉似和尚瀉山云雖然如是吾亦要
知但舉看仰山云一人指南吳越令行遇大風
卽止此乃識風穴也穴初參雪峰五年因請益
臨濟入堂兩堂首座齊下一喝僧問臨濟還有
賓主也無濟云賓主歷然穴云未審意旨如何
峰云吾昔與岩頭欽山去見臨濟在途中聞已

遷化若要會他賓主話須是參他宗派下尊宿
穴後又見瑞岩常自喚主人公自云啗復云惺
惺着他後莫受人瞞却穴云自拈自弄有什麼
難後在襄州鹿門與廓侍者過夏廓指他來參
南院穴云入門須辨主端的請師分一日遂見
南院舉前話云某甲特來親覲南院云雪峰古
佛一日見鏡清清問近離甚處穴云自離東來
清云還過小江否穴云大舸獨飄空小江無可
濟清云鏡水圖山鳥飛不渡子莫盜聽遺言穴

云滄溟尚怯蒙輪勢列漢飛帆渡五湖清豎起
拂子云爭奈這箇何穴云這箇是什麼清云果
然不識穴云出沒卷舒與師同用清云杓卜聽
虛聲熟睡饒謔語穴云澤廣藏山理能伏豹清
云赦罪放懋速須出去穴云出卽失乃便出至
法堂上自謂言大丈夫公案未了豈可便休却
回再入方丈清坐次便問某適來輒呈驗見冒
瀆尊顏伏蒙和尚慈悲未賜罪責清云適來從
東來豈不是翠巖來穴云雪竇親棲寶蓋東清

云不逐_下凶羊_上狂解息却來這裏念詩篇穴云路
逢劍客須呈劍不是詩人莫獻詩清云詩速祕
却略借劍看穴云具首_ハ離人携劍去清云不獨
觸風化亦自顯顛頂穴云若不觸風化焉明古
佛心清云何名古佛心穴又云再許允容師今
何有清云東來衲子菽麥不分穴云只聞不以
而以何得抑以而以清云巨浪湧千尋澄波不
離水穴云一句截流萬機寢削便禮拜清以拂
子點三點云俊哉且坐喫茶風穴初到南院便

清 穴

問入門須辨主端的講師分院左手拍膝一下
穴便喝院右手拍膝一下穴亦喝院舉左手云
這箇卽從闍黎又舉右手云這箇又作麼生穴
云瞎院遂拈拄杖穴云作什麼某甲奪却拄杖
打着和尚莫言不道院便擲下拄杖云今日被
這黃面浙子鈍置一上穴云和尚大侶持鉢不
得詐道不飢院云闍黎莫曾到此間麼穴云是
何言歟院云好好借問穴云也不得放過院云
且坐喫茶你看俊流自是機鋒峭峻南院亦未

龍虎集卷之四
三

辨得他至次日南院只作平常問云今夏在什
麼處穴云鹿門與廓侍者同過夏院云元來親
見作家來又云佗向你道什麼穴云始終只教
某甲一向作主院便打推出方丈云這般納取
缺底漢有什麼用處穴自此服膺在南院會下
作園頭一日院到園裏問云南方一棒作麼生
商量穴云作奇特商量穴云和尚此間作麼生
商量院拈棒起云棒下無生忍臨機不讓師穴
於是豁然大悟是時五代離亂郢州牧主請師

度夏是時臨濟一宗大盛他凡是問答垂示不
妨語句尖新攢花簇錦字字皆有下落一日牧
主請師上堂示眾云祖師心印狀似鐵牛之機
去卽印住住卽印破只如不去不住印卽是不
印卽是何故不似石人木馬之機直下似鐵牛
之機無你撼動處你才去卽印住你才住卽印
破教你百雜碎只如不去不住印卽是不印卽
是看他恁麼垂示可謂鈎頭有餌是時座下有
盧陂長老亦是臨濟下尊宿敢出頭來與他對

機便轉他話頭致箇問端不妨奇特道某甲有鐵牛之機請師不搭印爭奈風穴是作家便答他道慣釣鯨鯢澄巨浸却嗟蛙步輾泥沙也是言中有響雲門云垂鈎四海只釣獐龍格外玄機爲尋知己巨浸乃十二頭水牯牛爲鈎餌却只釣得一蛙出來此語且無玄妙亦無道理計較古人道若向事上觀則易若向意根下卜度則沒交涉盧陂佇思見之不取千載難逢可惜許所以道直饒講得千經論一句臨機下口難

其實盧陂要討好語對他不欲行令被風穴一向用攙旗奪鼓底機鋒一向逼將去只得沒奈何俗諺云陣敗不禁茗帚掃當初更要討鎗法敵他等你討得來卽頭落地牧主亦久參風穴解道佛法與王法一般穴云你見箇什麼牧主云當斷不斷返招其亂風穴渾是一團精神如水上葫蘆子相似捺着便轉按着便動解隨機說法若不隨機翻成妄語穴便下座只如臨濟有四賓主話夫參學之人大須子細如賓主相

見有語論賓主往來或應物見形全體作用或把機權喜怒或現半身或乘獅子或乘象正如真正學人便喝先拈出一箇膠盆子善知識不辨是境便上他境上作模樣學人便喝前人不肯放下此是膏肓之病不堪醫治喚作賓看主或是善知識不拈出物隨學人問處便奪學人被奪抵死不放此是主看賓或有學人應一箇清淨境出善知識辨得是境把他拋向坑裏學人言大好善知識知識卽云咄哉不識好惡

學人禮拜此喚作主看主或有學人披枷帶鎖出善知識前知識更與他安一重枷鎖學人歡喜彼此不辨呼爲賓看賓太德山僧所舉皆是辨魔揀異知其邪正不見僧問慈明一喝分賓主照用一時行時如何慈明便喝又雲居弘覺禪師示衆云譬如獅子捉象亦全其力捉兔亦全其力時有僧問未審全什麼力雲居云不欺之力看佗雪竇頌出

擒得盧陂跨鐵牛千人萬人中也要呈巧藝

敗軍之將不再斬三玄戈甲未輕酬當局者

迷受災如受福受降如受敵楚王城畔朝宗

水說什麼朝宗水浩浩充塞天地任是四海

也須倒流喝下曾令却倒流不是這一喝截

却你舌頭咄驚走陝府鐵牛嚇殺嘉州大象

雪竇知風穴有這般宗風便頌道擒得盧陂跨

鐵牛三玄戈甲未輕酬臨濟下有三玄三要凡

一句中須具三玄一玄中須具三要僧問臨濟

如何是第一句濟云三要印開朱點窄未容擬

議主賓分如何是第二句濟云妙辨豈容無着

問漚和不負截流機如何是第三句濟云但看

棚頭弄傀儡抽牽全藉裏頭人風穴一句中便

具三玄戈甲七事隨身不輕酬他若不如此爭

奈盧陂何後面雪竇要出臨濟下機鋒莫道是

盧陂假饒楚王城畔洪波浩渺白浪滔天盡去

朝宗只消一喝也須教倒流

垂示云途中受用底似虎靠山世諦流布底如

猿在檻欲知佛性義當觀時節因緣欲假百鍊

精金須是作家爐鞴且道大用現前底將什麼
試驗

舉僧問雲門如何是清淨法身壑坂堆頭見

丈六金身斑斑駁駁是什麼門云花藥欄問

處不真答來鹵莽溼着磁着曲不藏直僧云

便恁麼去時如何渾崙吞箇棗放憨作麼門

云金毛獅子也褒也貶兩來一賽將錯就錯

是什麼心行

諸人還知這僧問處與雲門答處麼若知得兩

元元

衍字

口同無一舌若不知未免顛預僧問玄沙如何

是清淨法身沙云膿滴滴地具金剛眼試請辨

看雲門不同別人有時把定壁立萬仞無你湊

泊處有時與你開一線道同死同生雲門三寸

甚密有者道是信彩答去若恁麼會且道雲門

落在什麼處這箇是屋裏事莫向外卜度所以

有丈道森羅萬象一切語言皆轉歸自己令轉

轉轉地向活潑潑處便道若擬議尋思便落第

二句了也永嘉道法身覺了無一物本源自性

天真佛雲門驗這僧其僧亦是他屋裏人自是
久參知他屋裏事進云便恁麼去時如何門云
金毛獅子且道是肯他是不肯他是褒他是貶
他巖頭道若論戰也箇箇立在轉處又道他參
活句不參死句活句下薦得永劫不忘死句下
薦得自救不了又僧問雲門佛法如水中月是
否門云清波無透路進云和尚從何而得門云
再問復何來僧云正恁麼去時如何門云重疊
關山路須知此事不在言句上如擊石火似閃

電光搆得搆不得未免喪身失命雪竇是其中
人便當頭領出

花藥欄言猶在耳莫顛頂如麻似粟也有此三

子自領出去星在秤兮不在盤太葛藤各自

向衣單下返觀不免說道理便恁麼軍崙吞

箇棗太無端自領出去灼然莫錯恁他雲門

好金毛獅子大家看放出一箇半箇也是箇

狗子雲門也是普州人送賊

雪竇相席打令動絃別曲一句一句判將去此

一頌不異拈古之格花藥欄便道莫顛頂人皆
道雲門信彩答將去總作情解會佗底所以雪
竇下本分草料便道莫顛頂蓋雲門意不在花
藥欄處所以雪竇道星在秤今不在盤這一句
忒煞漏逗水中元無月月在青天如星在秤不
在於盤且道那箇是秤若辨明得出不辜負雪
竇古人到這裏也不妨慈悲分明向你道不在
這裏在那邊去且道那邊是什麼處此頌頭邊
一句了後面頌這僧道便恁麼去時如何雪竇

道這僧也太無端且道是明頭合暗頭合會來
恁麼道不會來恁麼道金毛獅子大家看還見
金毛獅子麼瞎

垂示云休去歇去鐵樹開花有麼有麼點兒落
節直饒七縱八橫不免穿他鼻孔且道諸訛在
什麼處試舉看

舉陸巨大夫與南泉語話次陸云肇法師道
天地與我同根萬物與我一體也甚奇怪

篇裏作活計畫餅不可充飢也是草裏商量

南泉指庭前花

道什麼咄經有經師論有論

師不于山僧事咄大丈夫當時下得一轉語不唯截斷南泉亦乃與天下衲僧出氣召大

夫云時人見此一株花如夢相似

鴛鴦綉了

從君看莫把金針度與人莫寐語引得黃鶯

下柳條

陸亘大夫久參南泉尋常留心於理性中游泳肇論一日坐次遂拈此兩句以為奇特問云肇法師道天地與我同根萬物與我一體也其奇

惟肇法師乃晉時高僧與生融叡同在羅什門下謂之四哲幼年好讀莊老後因寫古維摩經有悟處方知莊老猶未盡善故綜諸經乃造四論莊老意謂天地形之大也我形亦爾也同生於虛無之中莊生大意只論齊物肇公大意論性皆歸自己不見他論中道夫至人空洞無象而萬物無非我造會萬物為自己者其唯聖人乎雖有神有人有賢有聖各別而皆同一性一體古人道盡乾坤大地只是一箇自己寒則普

天普地寒熱則普天普地熱有則普天普地有
無則普天普地無是則普天普地是非則普天
普地非法眼云渠渠渠我我我南北東西皆可
可不可可但唯我無不可所以道天上天下唯
我獨尊石頭因看肇論至此會萬物爲自己處
豁然大悟後作一本參同契亦不出此意看他
恁麼問且道同什麼根同那箇體到這裏也不
妨奇特豈同他常人不知天之高地之厚豈有
恁麼事陸且大夫恁麼問奇則甚奇只是不出

教意若道教意是極則世尊何故更拈花祖師
更西來作麼南泉答處用衲僧巴鼻與佗拈出
痛處破他窠窟遂指庭前花召大夫云時人見
此一株花如夢相似如引入向萬丈懸崖上打
一推令他命斷你若平地上推倒彌勒佛下生
也只不解命斷亦如人在夢欲覺不覺被人喚
醒相似南泉若是眼自不正必定被他搽糊將
去看他恁麼說話也不妨難會若是眼自定動
活底聞得如醍醐上味若是死底聞得翻成毒

藥古人道若於事上見隨在常情若向意根下
卜度卒摸索不着巖頭道此是向上人活計只
露目前些子如同電拂南泉大意如此有擒虎
兕定龍蛇底手脚到這裏也須是自會始得不
見道向上一路千聖不傳學者勞形如猿捉影
看他雪竇頌出

聞見覺知非一一森羅萬象無有法七七花
八裂眼耳鼻舌身意一時是箇無孔鐵鎚山
河不在鏡中觀我這裏無這箇消息長者自

長短者自短青是青黃是黃你向什麼處觀

霜天月落夜將半引你入草了也徧界不曾

藏切忌向鬼窟裏坐誰共澄潭照影寒有麼

有麼若不同牀睡焉知被底穿愁人莫向愁
人說說向愁人愁殺人

南泉小睡語雪竇大睡語雖然作夢却作得箇
好夢前頭說一體這裏說不同聞見覺知非一
一山河不在鏡中觀若道在鏡中觀然後方曉
了則不離鏡處山河大地草木叢林莫將鏡鑑

若將鏡鑑便為兩段，但只可山是山水是水，是法住法位，世間相常住，山河不得眼光，且道向什麼處觀，還會麼？到這裏，向霜天月落，夜將半，這邊與你打併了也。那邊你自相度，還知雪竇以本分事為人麼？誰共澄潭照影，寒為復自照，為復共人照？須是絕機絕解，方到這境界。即今也不要澄潭，也不待霜天月落，即今作麼生。

佛果圓悟禪師碧巖集卷第四

浙江嘉興府楞嚴寺經坊餘贊刻此
碧岩集卷第四計字一萬二千三百四十五個
該銀十兩六錢六分
順治十年四月
日嚴若堂識

誦欲十平四八
碧巖集卷第四字一五三三三四五
浙江嘉興府崇德縣崇德書院藏

碧巖集卷第四校譌

第一紙 十八行什麼和 **第三紙** 十二行如是下

本同今本 **第五紙** 二行尚和本 **第八紙** 十四行一

非也 **第十二紙** 八行作家和本 **第十四紙** 第

十三紙 初行澄巨浸元本 **第十八紙** 三行攬向和本

初行載三山 **第十九紙** 四行應諾下 **第二**

本並元本 **二十一紙** 十二行也是和 **二十二紙** 十六行

十一紙 並元本 **二十三紙** 十三行一句和本

本非也 **第二十三紙** 非也十五行啻和本 **第二十四**

或成細字 **第二十四紙** 四行轉物和本 **第二十**

共非也 **七紙** 十行虔和尚和本 **第二十八紙** 十六行暗

作諸曉 **第二十九紙** 十六行二十棒 **第三十紙**

得非也 **第三十一紙** 十四行一本無穴云入門須辨至

十四行請師分十二字元本同今本 **第三十二**

行一本無穴云二字元本同今本十六行清云

清云元本同今本寢判下有穴字元本同今本

院云七字無便問二字元本同今本 **第三十二**

紙初行辨主下和本有穴 **第三十三紙** 六行才

非也 **第三十四紙** 十三行作模樣學人便喝

學人又喝九字 **第三十五紙** 八行頌出下和本

元本同今本 **第三十七紙** 七行皆轉和本

切通作鼻斷首 **第四十二紙** 十一行不碍眼光四字和本

倒懸十一字 **第四十三紙** 不在鏡中觀五字元本同今本

元本同今本

七紙
 第一本
 第二本
 第三本
 第四本
 第五本
 第六本
 第七本
 第八本
 第九本
 第十本
 第十一本
 第十二本
 第十三本
 第十四本
 第十五本
 第十六本
 第十七本
 第十八本
 第十九本
 第二十本
 第二十一本
 第二十二本
 第二十三本
 第二十四本
 第二十五本
 第二十六本
 第二十七本
 第二十八本
 第二十九本
 第三十本
 第三十一本
 第三十二本
 第三十三本
 第三十四本
 第三十五本
 第三十六本
 第三十七本
 第三十八本
 第三十九本
 第四十本
 第四十一本
 第四十二本
 第四十三本
 第四十四本
 第四十五本
 第四十六本
 第四十七本
 第四十八本
 第四十九本
 第五十本
 第五十一本
 第五十二本
 第五十三本
 第五十四本
 第五十五本
 第五十六本
 第五十七本
 第五十八本
 第五十九本
 第六十本
 第六十一本
 第六十二本
 第六十三本
 第六十四本
 第六十五本
 第六十六本
 第六十七本
 第六十八本
 第六十九本
 第七十本
 第七十一本
 第七十二本
 第七十三本
 第七十四本
 第七十五本
 第七十六本
 第七十七本
 第七十八本
 第七十九本
 第八十本
 第八十一本
 第八十二本
 第八十三本
 第八十四本
 第八十五本
 第八十六本
 第八十七本
 第八十八本
 第八十九本
 第九十本
 第九十一本
 第九十二本
 第九十三本
 第九十四本
 第九十五本
 第九十六本
 第九十七本
 第九十八本
 第九十九本
 第一百本

